

唐宋詩醕

御選唐宋詩醇卷之十一

襄陽杜甫詩三

乾元中寓居同谷縣作歌七首

有客有客字子美白頭亂髮垂過耳歲拾橡栗隨  
狙公天寒日暮山谷裏中原無書歸不得手脚凍  
皴皮肉死嗚呼一歌兮歌已哀悲風爲我從天來

舊唐書時穀食踴貴甫寓居成州同谷縣自負

薪拾梠兒女饑殍者數人

長鑿長鑿白木柄我生託子以爲命黃獨無苗山



雪盛短衣數挽不掩脛此時與子空歸來男呻女  
吟四壁靜嗚呼二歌兮歌始放鄰里爲我色惆悵  
仇兆鰲曰山谷云陳藏器本草載黃獨遇霜雪  
枯無苗蓋蹲鴟之類蔡夢弼引別注云黃獨歲  
饑土人掘以充糧公詩屢用黃精不必作黃獨  
按公詩若太平寺泉眼及丈人山皆爲引年而  
發此歌則爲救饑而言主黃獨爲是

有弟有弟在遠方三人各瘦何人強生別展轉不  
相見胡塵暗天道路長東飛駕鶩後鶩鶩安得送

我置汝旁嗚呼三歌兮歌三發汝歸何處收兄骨  
趙使曰公四弟曰穎觀豐占各散在他郡惟占  
從公入蜀

有妹有妹在鈿離良人早歿諸孤癡長淮浪高蛟  
龍怒十年不見來何遲扁舟欲往箭滿眼杳杳南  
國多旌旗嗚呼四歌兮歌四奏林猿爲我啼清晝  
朱鶴齡曰猿多夜嘯今嘯清晝極言其悲也解  
作竹林穿鑿難信

四山多風溪水急寒雨颯颯枯樹濕黃蒿古城雲

不○開○白○狐○跳○梁○黃○狐○立○我○生○何○為○在○窮○谷○中○夜○起○  
坐○萬○感○集○嗚○呼○五○歌○兮○歌○正○長○魂○招○不○來○歸○故○鄉○  
仇○兆○鼇○曰○此○歌○忽○然○變○調○寫○得○山○昏○水○惡○雨○驟○  
風○狂○荒○城○晝○暝○野○狐○羣○嘯○頓○覺○空○谷○孤○危○萬○感○  
交○迫○招○魂○於○生○前○收○骨○於○死○後○見○存○亡○總○不○能○  
自○必○矣

南○有○龍○兮○在○山○湫○古○木○龍○嵒○枝○相○樛○木○葉○黃○落○龍○  
正○蟄○腹○地○東○來○水○上○遊○我○行○怪○此○安○敢○出○拔○劍○欲○  
斬○且○復○休○嗚○呼○六○歌○兮○歌○思○遲○溪○壑○為○我○迴○春○姿○

王道俊曰前後六章皆自敘流離之感不應此  
章獨譏時事蓋詠同谷萬丈潭之龍也郭知達  
引蘇注云此詩南有龍喻明皇在南內東坡必  
無是言

男。兒。生。不。成。名。身。已。老。三。年。饑。走。荒。山。道。長。安。卿  
相。多。少。年。富。貴。應。須。致。身。早。山。中。儒。生。舊。相。識。但  
話。宿。昔。傷。懷。抱。嗚。呼。七。歌。兮。悄。終。曲。仰。視。皇。天。白  
日。速。

慷慨悲歌足以裂山石而立海水殆所謂自鑄離



騷者史遷云人勞苦倦極未嘗不呼天也疾痛慘  
但未嘗不呼父母也甫之遇爲何如哉流離困頓  
轉徙山谷仰天一呼萬感交集而筆之奇氣之豪  
又足以發其所感淋漓頓挫自成音節自古及今  
不可有二宋祁云莫肯念亂小雅怨自然流泣袁  
安愁此之謂矣歌中思及弟妹字字至情南有龍  
一篇感時憫亂實有寓意若謂爲明皇而作則不  
免牽合耳

李廌曰太白遠別離蜀道難與子美同谷七歌

風騷極致不在屈宋之下

胡應麟曰杜七歌亦倣張衡四愁然七歌奇崛  
雄深四愁和平婉麗漢唐短歌各爲絕唱所謂  
異曲同工

王嗣奭曰七歌創作原不做離騷而哀實過之  
讀離騷未必墮淚而讀此不能終篇則以節短  
而聲促也

仇兆鼇曰七歌結語皆本蔡琰胡笳

水會渡

山行有常程。中夜尙未安。微月沒已久。崖傾路何  
難。大江動我前。洶若溟渤寬。篙師暗理楫。歌笑輕  
波瀾。霜濃木石滑。風急手足寒。入舟已干憂。陟巘  
仍萬盤。迴眺積水外。始知眾星乾。遠遊令人瘦。衰  
疾慙加餐。

仇兆鼇曰曹孟德詩星漢燦爛若出其裏與杜  
句可參看

飛仙閣

土門山行窄。微徑緣秋豪。棧雲闌干峻。梯石結構

牢萬壑欹疏林積陰帶奔濤寒日外淡泊長風中  
怒號歇鞍在地底始覺所歷高往來雜坐臥人馬  
同疲勞浮生有定分饑飽豈可逃歎息謂妻子我  
何隨汝曹

龍門閣

清江下龍門絕壁無尺土長風駕高浪浩浩自大  
古危途中縈盤仰望垂綫縷滑石欹誰鑿浮梁梟  
相拄目眩隕雜花頭風吹過雨百年不敢料一墜  
那得取飽聞經瞿塘足見度大庾終身歷艱險恐



懼從此數

石櫃閣

季冬日已長。山晚半天赤。蜀道多早花。江閒饒奇石。石櫃曾波上。臨虛蕩高壁。清暉回羣鷗。暝色帶遠客。羈棲負幽意。感歎向絕跡。信甘孱懦嬰。不獨凍餒迫。優游謝康樂。放浪陶彭澤。吾衰未自安。謝爾性所適。

暝色帶遠客。造語入妙光。祿坂行云暝。色無人獨歸。客雋致滅矣。

桔柏渡

青冥寒江渡。駕竹爲長橋。竿濕煙漠漠。江永風蕭蕭。  
蕭連竿動。嫋娜征衣。颯飄颯。急流搗鷁散。絕岸鼉  
鼉驕。西轅自茲異。東逝不可要。高通荆門路。闊會  
滄海潮。孤光隱顧。眄遊子。悵寂寥。無以洗心胸。前  
登但山椒。

劍門

惟天有設險。劍門天下壯。連山抱西南。石角皆北  
向。兩崖崇墉倚。刻畫城郭狀。一夫怒臨關。百萬未

徐邊眉身言西  
卷二  
六  
可○傍○珠○玉○走○中○原○岷○峨○氣○悽○愴○三○皇○五○帝○前○雞○犬  
各○相○放○後○王○尙○柔○遠○職○貢○道○已○喪○至○今○英○雄○人○高  
視○見○霸○王○并○吞○與○割○據○極○力○不○相○讓○吾○將○罪○真○宰  
意○欲○鏟○疊○嶂○恐○此○復○偶○然○臨○風○默○惆○悵

危○時○之○慮○與○劔○閣○銘○固○自○有○異○若○李○商○隱○并○絡○一  
首○乃○用○銘○意○者

江盈科曰少陵秦州以後詩突兀宏肆迥異昔  
作非有意換格蜀中山水自是挺特奇崛獨能  
象景傳神使人讀之山川厯落居然在眼所謂

春蠶結繭隨物肖形乃爲真詩人真手筆也

胡夏客曰劍門詩因劍閣銘而成但銘詞出以莊嚴此詩尤加雄肆用古而能勝於古人方稱作家

朱鶴齡曰蜀爲財賦所出自明皇臨幸供億不貲民力盡矣民力盡而寇盜乘之晉李特流人之禍可爲明鑒此詩故有岷峨悽愴與英雄割據之慮也

成都府



翳翳桑榆日照我征衣裳我行山川異忽在天一方  
但逢新人民未卜見故鄉大江東流去遊子去  
日長曾城填華屋季冬樹木蒼喧然名都會吹簫  
聞笙簧信美無與適側身望川梁烏雀夜各歸中  
原杳茫茫初月出不高眾星尙爭光自古有羈旅  
我何苦哀傷

語意多本古人較途中諸作雖氣度少舒而憂思  
未嘗忘也初月兩語上承中原一句王應麟以謂  
肅宗初立盜賊未息最爲得解蓋至此身事少定

不覺念及朝廷甫豈須臾忘君者哉

石犀行

君不見秦時蜀太守刻石立作三犀牛自古雖有  
厭勝法天生江水向東流蜀人矜誇一千載泛溢  
不近張儀樓今年灌口損戶口此事或恐爲神羞  
終藉隄防出眾力高擁木石當清秋先王作法皆  
正道詭怪何得參人謀嗟爾三犀不經濟缺訛只  
與長川逝但見元氣常調和自免洪濤恣凋瘵安  
得壯士提天綱再平水土犀奔茫

斥不經之談歸之正道筆力傑異不落言筌視石  
筍行尤爲擅勝

題壁畫馬歌

原注韋  
偃畫

韋侯別我有所適。知我憐君畫無敵。拈秃筆掃  
驂。馱。歛。見。騏。驎。出。東。壁。一。匹。齧。草。一。匹。嘶。坐。看。干  
里。當。霜。蹶。時。危。安。得。真。致。此。與。人。同。生。亦。同。死。  
屹然健筆轉出命意乃詩人之旨

戲題畫山水圖歌

原注王宰畫  
宰丹青絕倫

十日畫一水五日畫一石。能事不受相促迫。王宰

始肯留眞跡。壯哉崑崙方壺圖。挂君高堂之素壁。  
巴陵洞庭日本東。赤岸水與銀河通。中有雲氣隨。  
飛龍舟人漁子入。浦溲山木盡亞洪。濤風尤工遠。  
勢古莫比咫尺應。須論萬里焉得并州快剪刀。剪  
取吳松半江水。

無名氏西清詩話曰梁蕭文與善畫於扇上圖  
山水咫尺之內便覺萬里爲遙老杜云尤工遠  
勢古莫比咫尺應須論萬里乍讀似非用事如  
男兒旣介冑長揖別上官用介冑之士不拜婦



人在軍中兵氣恐不揚用軍中豈有女子乎皆  
用其事而隱其語

題李尊師松樹障子歌

老夫清晨梳白頭元都道士來相訪握髮呼兒延  
入戶手提新畫青松障障子松林靜杳冥憑軒忽  
若無丹青陰崖却承霜雪幹偃蓋反走虬龍形老  
夫平生好奇古對此興與精靈聚已知仙客意相  
親更覺良工心獨苦松下丈人巾履同偶坐似是  
商山翁悵望聊歌紫芝曲時危慘澹來悲風

戲爲雙松圖歌

原注  
韋偃

天下幾人畫古松。畢宏已老韋偃少。絕筆長風起。  
織末滿堂動色嗟。神妙兩株慘裂苔。薛皮屈鐵交。  
錯迴高枝白摧朽。骨龍虎死黑入大陰。雷雨垂松。  
根。胡僧憩寂寞。龐眉皓首無住著。偏袒右肩露雙。  
脚。葉裏松子僧前落。韋侯韋侯數相見。我有一匹。  
好東絹。重之不減錦繡段。已今拂拭光凌亂。請公。  
放筆爲直幹。

題畫諸篇刻意冥搜。積思獨造與太白觀粉圖山。

水諸篇並駕齊驅遂爲此體之祖至於思業高奇  
縉幽鑿險則杜老又似稍優者蓋其詣力所近更  
覺良工心獨苦也

沈德潛曰突兀起不妨平接如堂上不合生楓  
樹下云聞君掃却赤縣圖是也平調起必警語  
接此詩是也學者如此求之思過半矣

病柏

有柏生崇岡。童童狀車蓋。偃蹇龍虎姿。主當風雲  
會。神明依正直。故老多再拜。豈知千年根。中路顏

色壞出非不得地。蟠據亦高大。歲寒忽無憑。日夜  
柯葉改。丹鳳領九雛。哀鳴翔其外。鴟鴞志意滿。着  
于穿穴內。客從何鄉來。伫立久吁怪。靜求元精理。  
浩蕩難倚賴。

託喻之言可垂鑒戒

葉夢得曰此詩爲明皇而作

病橘

羣橘少生意。雖多亦奚爲。惜哉結實小。酸澀如棠  
梨。剖之盡蠹蟲。采掇爽其宜。紛然不適口。豈只存



其皮蕭蕭半死葉未忍別故枝元冬霜雪積況乃  
迴風吹嘗聞蓬萊殿羅列瀟湘姿此物歲不稔玉  
食失光輝寇盜尙憑陵當君減膳時汝病是天意  
吾諗罪有司憶昔南海使奔騰獻荔支百馬死山  
谷到今耆舊悲

因病橘而回憶荔支婉轉言之多少慨歎

枯櫟

蜀門多櫟欄高者十八九其皮割剝甚雖眾亦易  
朽徒布如雲葉青黃歲寒後交橫集斧斤凋喪先

蒲柳傷時苦。軍乏一物官。盡取嗟爾。江漢人生成。  
復何有。有同枯櫟木。使我沈嘆久。死者卽已休。生  
者何自守。啾啾黃雀啅。側見寒蓬走。念爾形影乾。  
摧殘沒藜莠。

仇兆鼇曰詩中詠物之作有就本題作結者此  
章是也有借客意作結者病橘枯柟是也可悟  
詩家擒縱之法

枯柟

梗柟枯嶢嶢。鄉黨皆莫記。不知幾百歲。慘慘無生

意上枝摩皇天下根蟠厚地巨圍雷霆折萬孔蟲  
蟻萃凍雨落流膠衝風奪佳氣白鶴遂不來天雞  
爲愁思猶含棟梁具無復霄漢志良工古昔少識  
者出涕淚種榆水中央成長何容易截承金露盤  
裊裊不自畏

四詩皆託物起興風人之嗣音也

葉夢得曰此詩當是爲房次律而作

浦起龍曰四詩寄託遙深斂鋒鐔爲之力追古  
作者

戲作花卿歌

成都猛將有花卿。學語小兒知姓名。用如快鶻風  
火生。見賊唯多身。始輕綿州副使著。柘黃我卿掃  
除。即日平。子璋黷體血模糊。手提擲還崔大夫。李  
侯重有此節度。人道我卿絕世無。既稱絕世無。天  
子何不喚取守京都。

收筆婉轉自如。所謂意愜關飛動者。不獨子璋一  
句凜凜有生色也。

唐書上元二年四月梓州刺史段子璋反襲東



川節度使李奐於綿州自稱梁王五月成都尹  
崔光遠率將花敬定攻拔綿州斬子璋

楠樹爲風雨所拔歎

倚江楠樹草堂前。故老相傳二百年。誅茅卜居總  
爲此。五月髣髴聞寒蟬。東南飄風動地至。江翻石  
走流。雲氣幹排雷。雨猶力爭根。斷泉源。豈天意滄  
波老樹性所愛。蒲上童童一青蓋。野客頻留懼雪  
霜。行人不過聽竽籟。虎倒龍顛委榛棘。淚痕血點  
垂胸臆。我有新詩何處吟。草堂自此無顏色。

勢取矯厲意主樸真

茅屋爲秋風所破歌

八月秋高風怒號。卷我屋上三重茅。茅飛度江灑  
江郊。高者掛罥長林梢。下者飄轉沈塘坳。南村羣  
童欺我老無力。忍能對面爲盜賊。公然抱茅入竹  
去。屑焦口燥呼不得。歸來倚杖自歎息。俄頃風定  
雲墨色。秋天漠漠向昏黑。布衾多年冷似鐵。嬌兒  
惡臥踏裏裂。牀牀屋漏無乾處。兩腳如麻未斷絕。  
自經喪亂少睡眠。長夜沾濕何由徹。安得廣廈千

御選唐詩卷一  
萬○閒○大○庇○天○下○寒○士○俱○歡○顏○風○雨○不○動○安○如○山○鳴○  
呼○何○時○眼○前○突○兀○見○此○屋○吾○廬○獨○破○受○凍○死○亦○足○  
極○無○聊○事○以○直○寫○見○筆○力○入○後○大○波○軒○然○而○起○疊○  
筆○作○收○如○龍○掉○尾○非○僅○見○此○老○胸○懷○若○無○此○意○則○  
詩○亦○可○不○作○

朱鶴齡曰白樂天云安得布裘長萬丈與君都  
蓋洛陽城同此意

天邊行

天○邊○老○人○歸○未○得○日○暮○東○臨○大○江○哭○隴○右○河○源○不○

種田胡騎羌兵入巴蜀。洪濤滔天風拔木。前飛禿鷲後鳴鵠。九度附書向洛陽。十年骨肉無消息。

苦戰行

苦戰身死馬將軍。白云伏波之子孫。干戈未定失壯士。使我歎恨傷精魂。去年江南討狂賊。臨江把臂難再得。別時孤雲今不飛。時獨看雲淚橫臆。情溢乎詞音長節短。

赤驥頓長纓。非無萬里姿。悲鳴淚至地。爲問馭者



誰鳳皇從東來何意復高飛竹花不結實念子忍  
朝飢古時君臣合可以物理推賢人識定分進退  
固其宜

唐汝詢曰驥無良馭則踈萬里之能鳳無竹實  
則高飛而不下君臣相合之義當以此理推之  
賢者固知所自守而用人者可不加之意乎  
市人日中集於利競錐刀置膏烈火上哀哀自煎  
熬農人望歲稔相率除蓬蒿所務穀爲本邪贏無  
乃勞舜舉十六相身尊道何高秦時任商鞅法令

如牛毛。

此賦相兼名論不朽蘇軾以夫四句爲稷契輩人語信有其意

朱鶴齡曰是時第五琦劉晏皆以宰相領度支  
鹽鐵使權稅四出利析錐刀故言爲治之道在  
乎惇本抑末舉良相以任之不當用興利之臣  
以滋民僞也

觀打魚歌

綿州江水之東津魴魚鱖魚色勝銀漁人漾舟沈

大網截江一擁數百鱗。眾魚常才盡，却棄赤鯉騰。  
出如有神潛龍無聲老蛟怒。回風颯颯吹沙塵。饗  
子左右揮霜刀。膾飛金盤白雪高。徐州禿尾不足  
憶。漢陰槎頭遠遁逃。魴魚肥美知第一。既飽歡娛  
亦蕭瑟。君不見朝來割素髻。咫尺波濤永相失。

又觀打魚

蒼江漁子清晨集。設網提綱萬魚急。能者操舟疾  
若風。撐突波濤挺。叉入小魚脫。漏不可記。半死半  
生猶戢戢。大魚傷損皆垂頭。屈強泥沙有時立。東

津觀魚已再來。主人罷膾還傾盃。日暮蛟龍改窟穴。山根鱸蟹隨雲雷。干戈兵革鬪未止。鳳凰麒麟安在哉。吾徒胡爲縱此樂。暴殄天物聖所哀。

指事言情詞意簡遠如龍門之桐百尺無枝又如萬石洪鐘不作細響此所以爲大家

仇兆鰲曰從竭澤而漁處寫出慘酷可憐之狀具見愛物仁心

黃生曰前詩寓感此詩寓規體物旣精命意復遠



越王樓歌

綿州州府何磊落。顯慶年中越王作。孤城西北起  
高樓。碧瓦朱甍照城郭。樓下長江百丈清。山頭落  
日半輪明。君王舊跡今人賞。轉見千秋萬古情。

泠泠雅調或謂倣王子安滕王閣而風致小遜非也

冬到金華山觀因得故拾遺陳公學堂遺跡  
涪右眾山內。金華紫崔嵬。上有蔚藍天。垂光抱瓊  
臺。繫舟接絕壁。杖策窮縈回。四顧俯層巔。淡然川

谷開雪嶺日色死。霜鴻有餘哀。焚香玉女跪。霧裏  
仙人來。陳公讀書堂。石柱仄青苔。悲風爲我起。激  
烈傷雄才。

通泉驛南去通泉縣十五里山水作

溪行衣自濕。亭午氣始散。冬溫蚊蚋在人遠。鳧鴨  
亂登頓。生曾陰。欹傾出高岸。驛樓衰柳側。縣郭輕  
煙畔。一川何綺麗。盡目窮壯觀。山色遠寂寞。江光  
夕滋漫。傷時愧孔父。去國同王粲。我生苦飄零。所  
慙有嗟嘆。

眼前景色寫出自有佳致

過郭代公故宅

豪俊初未遇。其跡或脫略。代公尉通泉。放意何自若。及夫登衮冕。直氣森噴薄。磊落見異人。豈伊常情度。定策神龍後。宮中翕清廓。俄頃辨尊親。指揮存顧託。羣公有慚色。王室無削弱。迴出名臣上。丹青照臺閣。我行得遺跡。池館皆疏鑿。壯公臨事斷。顧步涕橫落。高咏寶劒篇。神交付冥漠。

仇兆鼇曰。俄頃辨尊親。推其決幾之明。壯公臨

事斷服其應變之敏。一語能寫出代公身分。苟  
或之失身。誤於不能辨陳竇之憤。事失於不能  
斷杜詩論人必具特識。推此可見。

短歌行

原注贈王  
郎司直

王郎酒酣拔劍斫地歌莫哀。我能拔爾抑塞磊落  
之奇才。豫樟翻風白日動。鯨魚跋浪滄溟開。且脫  
佩劍休徘徊。西得諸侯棹錦水。欲向何門跋珠履。  
仲宣樓頭春色深。青眼高歌望吾子。眼中之人吾  
老矣。



劉會孟曰豪氣激人堂堂復堂堂

盧世灌曰突兀橫絕跌宕悲涼

桃竹杖引

江心蟠石生桃竹。蒼波噴浸尺度足。斬根削皮如  
紫玉。江妃水仙惜不得。梓潼使君開一束。滿堂賓  
客皆歎息。憐我老病贈兩莖。出入爪甲鏗有聲。老  
夫復欲東南征。乘濤鼓枻白帝城。路幽必爲鬼神  
奪。拔劍或與蛟龍爭。重爲告曰。杖兮杖兮。爾之生  
也。甚正直。慎勿見水。踴躍學變化。爲龍使我不得。

爾○之○扶○持○滅○跡○於○君○山○湖○上○之○青○峰○噫○風○塵○瀕○洞  
兮○豺○虎○咬○人○忽○失○雙○杖○兮○吾○將○曷○從  
奇○變○酷○似○太○白○老○杜○真○乃○無○所○不○有

朱鶴齡曰此詩蓋借竹杖以規諷章留後也既  
以踴躍爲龍戒之又以復失雙杖危之其微旨

可見

仇兆鼂曰宋之問騷體詩有嵩山天門歌杜詩  
此篇所自出然杜之靈奇却勝於宋之雋麗

韋諷錄事宅觀曹將軍畫馬圖

國初已來畫鞍馬神妙獨數江都王將軍得名三十載人閒又見眞乘黃曾貌先帝照夜白龍池十日飛霹靂內府殷紅馬腦盤婕妤傳詔才人索盤賜將軍拜舞歸輕紈細綺相追飛貴戚權門得筆跡始覺屏障生光輝昔日太宗拳毛騮近時郭家師子花今之畫圖有二馬復令識者久歎嗟此皆騎戰一敵萬縞素漠漠開風沙其餘七匹亦殊絕迴若寒空動煙雪霜蹄蹴踏長楸閒馬官廐養森成列可憐九馬爭神駿顧視清高氣深穩借問苦

心○愛○者○誰○後○有○韋○諷○前○支○遁○憶○昔○巡○幸○新○豐○宮○翠  
華○拂○天○來○向○東○騰○驤○磊○落○三○萬○匹○皆○與○此○圖○筋○骨  
同○自○從○獻○寶○朝○河○宗○無○復○射○蛟○江○水○中○君○不○見○金  
粟○堆○前○松○柏○裏○龍○媒○去○盡○烏○呼○風

蒼○莽○歷○落○中○法○律○深○細○前○從○照○夜○白○敘○入○卽○伏○未  
段○感○慨○中○間○錯○綜○九○馬○文○勢○跌宕○可○謂○毫○髮○無○遺  
憾○波○瀾○獨○老○成○矣○七○古○至○於○老○杜○浩浩○落落○獨○往  
獨○來○神○龍○在○霄○連○蜺○變○化○不○可○方○物○天○馬○行○空○脫  
去○羈○勒○足○以○橫○睨○一○世○獨○有○千○古○東○坡○書○韓○幹○牧



馬圖猶非其匹况他人乎

丹青引

原注贈曹將軍霸

將軍魏武之子孫於今爲庶爲清門英雄割據雖已矣文彩風流猶尙存學書初學衛夫人但恨無過王右軍丹青不知老將至富貴於我如浮雲開元之中常引見承恩數上南薰殿凌煙功臣少顏色將軍下筆開生面良相頭上進賢冠猛將腰閒大羽箭褒公鄂公毛髮動英姿颯爽來酣戰先帝天馬五花驄畫工如山貌不同是日牽來赤墀下

迴立闐闐生長風。詔謂將軍拂絹素。意匠慘淡經  
營中。斯須九重真龍出一洗。萬古凡馬空。玉花却  
在御榻上。榻上庭前屹相向。至尊含笑催賜金。圍  
人太僕皆惆悵。弟子韓幹早入室。亦能畫馬窮殊  
相。幹惟畫肉不畫骨。忍使驂騮氣凋喪。將軍畫善  
蓋有神。必逢佳士赤寫真。卽今飄泊干戈際。屢貌  
尋常行路人。途窮反遭俗眼白。世上未有如公貧。  
但看古來盛名下。終日坎壈纏其身。

起筆老橫開元之中以下敘昔日之遇正爲末段

反照丹青之妙見贈言之義明矣通篇瀏灑頓挫  
節奏之妙於斯爲極

許顛曰老杜丹青一洗萬古凡馬空東坡觀  
吳道子畫壁詩筆所未到氣已吞二公之詩足  
以當之

沈德潛曰畫人畫馬賓主相形縱橫跌宕此種  
篇法得之於心應之於手有化工而無人力莫  
能贊歎其妙

發闌中

前○有○毒○蛇○後○猛○虎○溪○行○盡○日○無○村○塢○江○風○蕭○蕭○雲○  
拂○地○山○木○慘○慘○天○欲○雨○女○病○妻○憂○歸○意○速○秋○花○錦○  
石○誰○復○數○別○家○三○月○一○得○書○避○地○何○時○免○愁○苦○

寄韓諫議

今○我○不○樂○思○岳○陽○身○欲○奮○飛○病○在○牀○美○人○娟○娟○隔○  
秋○水○濯○足○洞○庭○望○八○荒○鴻○飛○冥○冥○日○月○白○青○楓○葉○  
赤○天○雨○霜○玉○京○羣○帝○集○北○斗○或○騎○騏○驎○翳○鳳○凰○芙○  
蓉○旌○旗○煙○霧○樂○影○動○倒○景○搖○瀟○湘○星○宮○之○君○醉○瓊○  
漿○羽○人○稀○少○不○在○旁○似○聞○昨○者○赤○松○子○恐○是○漢○代○



韓張良昔隨劉氏定長安。帷幄未改神慘傷。國家  
成敗吾豈敢。色難腥腐餐風香。周南留滯古所惜。  
南極老人應壽昌。美人胡爲隔秋水。焉得置之貢  
玉堂。

黃生曰錢謙益謂此詩欲韓貢李秘於玉堂者  
其說近鑿公蓋與韓有舊故作此寄之按史記  
索隱注云子房本韓之公族故曰漢代韓張良  
所指本自明白

浦起龍曰原本楚騷亦近太白

憶昔

憶昔開元全盛日。小邑猶藏萬家室。稻米流脂粟  
米白。公私倉廩俱豐實。九州道路無豺虎。遠行不  
勞。吉日出齊。紉魯縞。車班班。男耕女桑。不相失。宮  
中聖人奏雲門。天下朋友皆膠漆。百餘年閒未災  
變。叔孫禮樂蕭何律。豈聞一絹直萬錢。有田種穀  
今流血。洛陽宮殿燒焚盡。宗廟新除狐兔穴。傷心  
不忍問耆舊。復恐初從亂。離說小臣魯。鈍無所能  
朝廷記識蒙祿秩。周宣中興望我皇。灑血江漢身

衰疾

居然變雅治亂相形極其沈痛

王嗣爽曰百餘年間二句蓋言法度之存亡關乎國家之理亂先敘此二語隨用豈聞二字轉下如快馬騫澗是何等筆力

仇兆鼂曰明皇當豐亨豫大時忽盈虛消息之理致開元變爲天寶流禍兩朝而亂猶未已此詩於理亂興亡之故反覆痛陳蓋亟望代宗撥亂反治復見開元之盛焉

冬狩行

原注時梓州刺史章彝兼侍御史留後東川

君不見東川節度兵馬雄校獵亦似觀成功夜發  
猛士三千人清晨合圍步驟同禽獸已斃十七八  
殺聲落日迴蒼穹幕前生致九青兕駢駝嶺危垂  
元熊東西南北百里間髣髴蹴踏寒山空有鳥名  
鸚鵡力不能高飛逐走蓬肉味不足登鼎俎何爲  
見羈虞羅中春蒐冬狩侯得同使君五馬一馬驄  
況今攝行大將權號令頗有前賢風飄然時危一  
老翁十年厭見旌旗紅喜君士卒甚整肅爲我迴



御擒西戎草中狐兔盡何益天子不在咸陽宮朝  
廷雖無幽王禍得不哀痛塵再蒙嗚呼得不哀痛  
塵再蒙

大義凜然及今誦之如見其壯顏毅色

申涵光曰草中狐兔盡何益二句卽賈生不獵  
猛敵而獵禽獸意

王洙曰代宗在陝詔徵天下兵時程元振用事  
無一人應詔者故章未感激言之

別唐十五 誠因寄禮部賈侍郎

九載一相逢。百年能幾何。復爲萬里別。送子山之阿。  
白鶴久同林。潛魚本同河。未知棲集期。衰老強  
高歌。歌罷兩悽惻。六龍忽蹉跎。相視髮皓白。况難  
駐羲和。胡星墜燕地。漢將仍橫戈。蕭條四海內。人  
少豺虎多。少人慎莫投。多虎信所過。飢有易子食。  
獸猶畏虞羅。子負經濟才。天門鬱嵯峨。飄飄適東  
周。來往若崩波。南宮吾故人。白馬金盤隨。雄筆映  
千古。見賢心靡他。念子善師事。歲寒守舊柯。爲吾  
謝賈公。病肺臥江沱。

梅堯臣曰：飢有易子食，二語含蓄甚深，殆不可模倣。

閬山歌

閬州城東靈山白，閬州城北玉臺碧。松浮欲盡不盡雲，江動將崩未崩石。那知根無鬼神會，已覺氣與嵩華敵。中原格鬪且未歸，應結茅齋看青壁。

閬水歌

嘉陵江色何所似，石黛碧。玉相因，依正憐。日破浪。花出更復春。從沙際歸巴童，蕩槳欹側過。水雞銜。

魚來去飛。闔中務事可。腸斷闔中城南天下稀。  
一詩著語奇秀。覺空翠撲人。冲襟相照。

### 草堂

昔我去草堂。蠻夷塞城都。今我歸草堂。城都適無  
虞。請陳初亂時。反覆乃須臾。大將赴朝廷。羣小起  
異圖。中宵斬白馬。盟歃氣已麤。西取邛南兵。北斷  
劍閣隅。布衣數千人。亦擁專城居。其勢不兩大。始  
聞蕃漢殊。西卒却倒戈。賊臣互相誅。焉知肘腋禍。  
自及鼻。獍徒義士皆痛憤。紀綱亂相踰。一國實三



公萬人欲爲魚。唱和作威福。孰肯辨無辜。眼前列  
杻械。背後吹笙竽。談笑行殺戮。濺血滿長衢。到今  
用鉞地。風雨聞號呼。鬼妾與鬼馬。色悲充爾娛。國  
家法令在此。又足驚吁。賤子且奔走。三年望東吳。  
弧矢暗江海。難爲遊五湖。不忍竟舍此。復來薤榛  
蕪。入門四松在。步履萬竹疏。舊犬喜我歸。低徊入  
衣裾。鄰舍喜我歸。沽酒攜胡蘆。大官喜我來。遣騎  
問所須。城郭喜我來。賓客隘村墟。天下尙未寧。健  
兒勝腐儒。飄飄風塵際。何地置老夫。於時見疣贅。

骨髓幸未枯。飲啄媿殘生。食薇不敢餘。

記離亂事可補史氏之闕

錢謙益曰寶應元年四月嚴武入朝七月劍南  
西川節度使徐知道反八月伏誅公攜家避亂  
往梓州廣德二年武鎮劍南公復還成都草堂  
此詩云大將赴朝廷羣小起異圖謂武入朝而  
知道反也北斷劍閣隅謂知道以兵守要害武  
不得出也賊臣互相誅謂知道爲其下李忠厚  
所殺也

太子張舍人遺織成褥段

客從西北來。遣我翠織成。開緘風濤湧。中有掉尾  
鯨。透迤羅水族。瑣細不足名。客云充君褥。承君終  
宴榮。空堂魑魅走。高枕形神清。領客珍重意。顧我  
非公卿。留之懼不祥。施之混柴荆。服飾定尊卑。大  
哉萬古程。今我一賤老。視褐更無營。煌煌珠宮物。  
寢處禍所嬰。歎息當路子。干戈尚縱橫。掌握有權  
柄。衣馬自肥輕。李鼎死岐陽。實以驕貴盈。來瑱賜  
自盡。氣豪直阻兵。皆聞黃金多。坐見悔吝生。奈何

田舍翁受此厚貺情錦鯨卷還客始覺心和平振  
我麤席塵媿客茹藜羹。

因小見大殊有關於典制足以正人心而厚風俗  
錢謙益曰史稱嚴武累年在蜀肆志逞欲恣行  
猛政窮極奢靡賞賜無度公在武幕下作此諷  
諭至舉李鼎來瑱以深戒之朋友責善之道也  
不然辭一織成之遺而侈談殺身自盡之禍無  
病而呻豈詩人之意乎

杜鵑



西川有杜鵑。東川無杜鵑。涪萬無杜鵑。雲安有杜鵑。我昔遊錦城。結廬錦水邊。有竹一頃餘。喬木上參天。杜鵑暮春至。哀哀叫其閒。我見常再拜。重是古帝魂。生子百鳥巢。百鳥不敢嗔。仍爲餒其子。禮若奉至尊。鴻雁及羔羊。有禮太古前。行飛與跪乳。識序如知恩。聖賢古法則。付與後世傳。君看禽鳥情。猶解事杜鵑。今忽暮春閒。值我病經年。身病不能拜。淚下如迸泉。

古調微辭集中題凡再見知其寄慨者深矣其集

外一篇則僞也。至於發端四語不關詩之工拙，謂必如是乃合樂府，亦固哉之論。

王士祿曰：興觀羣怨讀此，慨然有得。

### 客堂

憶昨離少城，而今異楚蜀。舍舟復深山，窅一林麓。棲泊雲安縣，消中內相毒。舊疾廿載來，衰年得無足。死爲殊方鬼，頭白免短促。老馬終望雲，南雁意在北。別家長兒女，欲起慚筋力。客堂敘節改，具物對羈束。石暄蕨芽紫，渚秀蘆筍綠。巴鷺紛未稀。

徐退居之詩西  
卷十一  
三  
微。麥。早。向。熟。悠。悠。日。動。江。漠。漠。春。辭。木。臺。郎。選。才。  
俊。自。顧。亦。已。極。前。輩。聲。名。人。埋。沒。何。所。得。居。然。結。  
章。紱。受。性。本。幽。獨。平。生。憩。息。地。必。種。數。竿。竹。事。業。  
只。濁。醪。營。葺。但。草。屋。上。公。有。記。者。累。奏。資。薄。祿。主。  
憂。豈。濟。時。身。遠。彌。曠。職。循。文。廟。算。正。獻。可。天。衢。直。  
尚。想。趨。朝。廷。毫。髮。裨。社。稷。形。骸。今。若。是。進。退。委。行。  
色。

水閣朝霽奉簡嚴雲安

東城抱春岑。江閣鄰石面。崔嵬晨雲白。朝旭射芳

旬。兩。檻。臥。花。叢。風。牀。展。書。卷。鈎。簾。宿。鷺。起。丸。藥。流。  
鷺。嘯。呼。婢。取。酒。壺。續。兒。誦。文。選。晚。交。嚴。明。府。矧。此。  
數。相。見。

選。體。青。山。捫。蝨。坐。黃。鳥。抱。書。眠。極。力。追。擬。去。之。彌。  
遠。

蔡天啓曰荆公每稱老杜鈎簾宿鷺起丸藥流  
鷺嘯以爲用意高妙五字模楷

蠶穀行

天下郡國向萬城無有一城無甲兵焉得鑄甲作



農器一寸荒田牛得耕牛盡耕蠶亦成不勞烈士  
淚滂沱男穀女絲行復歌  
有慨乎其言之

古柏行

孔明廟前有老柏柯如青銅根如石霜皮溜雨四  
十圍黛色參天二千尺君臣已與時際會樹木猶  
爲人愛惜雲來氣接巫峽長月出寒通雪山白憶  
昨路遶錦亭東先主武侯同闕宮崔嵬枝幹郊原  
古窈窕丹青戶牖空落落盤踞雖得地冥冥孤高

多烈風扶持。自是神明力。正直原因造化功。大厦  
如傾要梁棟。萬牛迴首邱山重。不露文章世已驚。  
未辭翦伐誰能送。苦心豈免容螻蟻。香葉終經宿  
鸞鳳。志士幽人莫怨嗟。古來材大難爲用。  
情深文明眼。空筆老千載而下。如聞太息之聲。

王嗣奭曰：公生平極贊孔明，蓋竊比之意。孔明  
才大而不盡其用，公嘗自比稷契，而人莫之用。  
故篇終結出才大難用，此作詩本旨。發興於古  
柏者也。

徐退居之語西  
卷十一  
李因篤曰武侯廟柏自不得作一細語如太史  
公用尙書爲本紀厚重乃爾

縛雞行

小奴縛雞向市賣雞被縛急相喧爭家中厭雞食  
蟲蟻不知雞賣還遭烹蟲雞於人何厚薄吾叱奴  
人解其縛雞蟲得失無了時注日寒江倚山閣  
齊物之旨

師厚曰天下利害當權輕重除寇則勞民愛民  
則養寇與其養寇孰若勞民與其惜蟲孰若存

雞此論聖人不易天下亦無難處之事始知淨  
屠法不可治世

蔡正孫曰步里客談云古人作詩斷句輒旁入  
他意最爲警策如老杜云雞蟲得失無了時注  
目寒江倚山閣是也黃魯直作水仙花詩坐對  
眞成被花惱出門一笑大江橫亦是此意

牽牛織女

牽牛出河西織女處其東萬古永相望七夕誰見  
同神光意難候此事終蒙朧颯然精靈合何必秋



遂通亭亭新粧立。龍駕具曾空。世人亦為爾祈請。  
走兒童。稱家隨豐儉。白屋達公宮。膳夫翊堂殿。鳴  
玉淒房櫳。曝衣遍天下。曳月揚微風。蛛絲小人態。  
曲綴瓜果中。初筵瀼重露。日出甘所終。嗟汝未嫁  
女。秉心鬱忡忡。防身動如律。竭力機杼中。雖無姑  
舅事。敢昧織作功。明明君臣契。咫尺或未容。義無  
棄禮法。恩始夫婦恭。小大有佳期。戒之在至公。方  
圓苟齟齬。丈夫多英雄。

借題發議正而不腐起處作疑詞李商隱七夕詩

所自出也

張縉曰易言物不可以苟合故借半女無私會  
之事以興男女無苟合之道又因男女無苟合  
之道以比君臣無苟合之義觸頰旁通高古巖  
正可見古作詩者之意

殿中楊監見示張旭草書圖

斯人已云亡。草聖祕難得。及茲煩見示。滿目一淒  
惻。悲風生微綃。萬里起古色。鏘鏘鳴玉動。落落羣  
松直。連山蟠其間。溟漲與筆力。有練實先書。臨池

真盡墨。俊拔爲之主。暮年思轉極。未知張王後。誰  
並百代則。嗚呼東吳精。逸氣感清識。楊公拂篋笥。  
舒卷忘寢食。念昔揮毫端。不獨觀酒德。

形容草書奇語獨造

錢謙益曰李須贈張顛詩云皓首窮草隸時稱

太湖精

課伐木

課隸人伯夷。幸秀信行等。入谷斬陰木。人日四  
根止。維條伊枚。正直挺然。晨征暮返。委積庭內。

我有藩籬。是缺是補。載伐篠蕩。伊仗支持。則旅  
次於小安。山有虎知禁。若恃爪牙之利。必昏黑  
檜突。夔人屋壁。列樹白菊。鏝爲墻實。以竹示式  
遏。爲與虎近。混淪乎無良。賓客憂害馬之徒。苟  
活爲幸。可嘿息已。作詩示宗武誦。

長夏無所爲。客居課奴僕。清晨飯其腹。持斧入白  
谷。青冥曾巔後。十里斬陰木。人肩四根已。亭午下  
山麓。尙聞丁丁聲。功課日各足。蒼皮成委積。素節  
相照燭。藉汝跨小籬。當仗若虛竹。空荒咆熊羆。乳



行遊月之言四  
卷二  
三  
獸待人肉不示知禁情豈惟干戈哭城中賢府主  
處貴如白屋蕭蕭理體淨蜂蠆不敢毒虎穴連里  
閭隄防舊風俗泊舟滄江岸久客慎所觸舍西崖  
嶠壯雷雨蔚含蓄牆宇資屢脩衰年怯幽獨爾曹  
輕執熟爲我忍煩促秋光近青岑季月當泛菊報  
之以微寒共給酒一斛

槐葉冷淘

青青高槐葉采掇付中厨新麪來近市汁滓宛相  
俱入鼎資過熟加餐愁欲無碧鮮俱照筋香飯兼

苞蘆經齒冷於雪勸人投比珠願隨金駮裏走置  
錦屠蘇路遠思恐泥興深終不渝獻芹則小小薦  
藻明區區萬里露寒殿開冰清玉壺君王納涼晚  
此味亦時須

隨事徵其忠欵所謂一飯不忘君者信然

朱子語錄曰文字好用經語亦一病東坡寫此

詩至路遠思恐泥云此不足爲法

行官張望補稻畦水歸

東屯大江南北百頃平若梭六月青稻多千畦碧泉

亂插秧適云已引溜加漑灌更僕往方塘決渠當  
斷岸公私各地著浸潤無天旱主守問家臣分明  
見溪畔芊芊炯翠羽剡剡生銀漢鷗鳥鏡裏來關  
山雪邊看秋菰成黑米精鑿傳白粲玉粒足晨炊  
紅鮮任霞散終然添旅食作苦期壯觀遺穗及眾  
多我倉戒滋蔓

黃生曰杜田園諸詩覺有傲睨陶公之色其氣  
力沈雄骨格蒼勁本色自不可掩

後園山脚

朱夏熱所嬰。清旭步北林。小園背高岡。挽葛上崎  
崑。曠望延駐目。飄飄散疏襟。潛鱗恨水壯。去翼依  
雲深。勿謂地無疆。劣於山有陰。石椽遍天下。水陸  
兼浮沈。自我登隴首。十年經碧岑。劍門來巫峽。薄  
倚浩至今。故園暗戎馬。骨肉失追尋。時危無消息。  
老去多歸心。志士惜白日。久客藉黃金。敢爲蘇門  
嘯。庶作梁父吟。

杜田曰椽音原木名皮可食或云善本止是石

原



驅豎子摘蒼耳

江上秋已分。林中瘴猶劇。哇丁告勞苦。無以供日  
 夕。蓬莠獨不焦。野蔬暗泉石。卷耳况療風。童兒日  
 時摘。侵星驅之去。爛熳任遠適。放筐亭午際。洗剝  
 相蒙羃。登牀半生熟。下筋還小益。加點瓜薤閒。依  
 希橘奴跡。亂世誅求急。黎民糠粃窄。飽食復何心  
 荒哉膏粱客。富家厨肉臭。戰地骸骨白。寄語惡少  
 年。黃金且休擲。

仇兆鼇曰膏粱徒飽而黎民苦飢傷在居人富

家厨肉臭戰場暴骨傷及征夫此嘆物力之宜  
惜也

秋行官張望督促東渚耗稻向畢清晨遣女  
奴阿稽豎子阿段往問

東渚雨今足。伫聞粳稻香。上天無偏頗。蒲稗各自  
長。人情見非類。田家戒其荒。功夫競楫楫。除草置  
岸旁。穀者命之本。客居安可忘。青春具所務。勤懇  
免亂常。吳牛力容易。並驅動莫當。豐苗亦已概。雲  
水照方塘。有生固莫延。靜一資隄防。督領不無人。

御選唐詩卷十一  
提攜頗在綱。荆揚風土暖。肅肅候微霜。尚恐主守  
疏。用心未甚臧。清朝遣婢僕。寄語踰崇岡。西成聚  
必散。不獨陵我倉。豈要仁里譽。感此亂世忙。北風  
吹蒹葭。蟋蟀近中堂。荏苒百工休。鬱紆遲暮傷。

御選唐詩卷十一

御選唐宋詩醇卷之十二

襄陽杜甫詩

雨

空山中宵陰微冷先枕席迴風起清曙萬象萋已  
碧。落落出岫雲。渾渾倚天石。日假何道行。雨含長  
江白。連檣荊州船。有士荷矛戟。南防草鎮慘。霑濕  
赴遠役。羣盜下。碎山總戎備。強敵水深雲光廓。鳴  
櫓各有適。魚艇息悠悠。夷歌負樵客。留滯一老翁。  
書時記朝夕。



王嗣奭曰公憂旱詩云上天鑠金石羣盜亂豺  
虎今雖得雨而復憂盜上一章憂吳楚之盜故  
恐遠客難行此章憂峽中之盜故憐士卒勞役

又上後園山脚

昔我遊山東憶戲東嶽陽窮秋立日觀矯首望八  
荒朱崖著毫髮碧海吹衣裳募收困用事元冥蔚  
強梁逝水自朝宗鎮名各其方平原獨憔悴農力  
廢耕桑非關風露凋曾是戍役傷於時國用富足  
以守邊疆朝廷任猛將遠奪戎虜場到今事反覆

故老淚萬行。龜蒙不復見。況乃懷舊鄉。肺萎屬久  
戰。骨出熱中腸。憂來杖匣劍。更上林北岡。瘴毒猿  
鳥落。峽乾南日黃。秋風亦已起。江漢始如湯。登高  
欲有往。蕩析川無梁。哀彼遠征人。去家死路旁。不  
及祖父塋。纍點塚相堂。

劉會孟曰情緒闊遠收拾悲慟

種蒿苳 并序

既雨已秋堂。下理小畦隔。種一兩席許。蒿苳向  
二旬矣。而苳不甲。坵獨野。莧青青。傷時君子或

晚得微祿。輒軻不進。因作此詩。

陰陽一錯亂。驕蹇不復理。枯旱於其中。炎方慘如燬。植物半蹉跎。嘉生將已矣。雲雷歛奔命。師伯集所使。指麾赤白日。傾洞青光起。雨聲先已風。散足盡西靡。山泉落滄江。霹靂猶在耳。終朝紆颯沓。信宿罷瀟灑。堂下可以哇。呼童對經始。芑兮蔬之常。隨事執其子。破塊敷席間。荷鋤功易止。兩旬不甲坼。空惜埋泥滓。野苳迷汝來。宗生實於此。此輩豈無秋。亦蒙寒露委。翻然出地速。滋蔓戶庭毀。因知

和○千○正○掩○抑○至○沒○齒○賢○良○雖○得○祿○守○道○不○封○已○擁  
塞○敗○芝○蘭○眾○多○盛○荆○杞○中○園○陷○蕭○艾○老○圃○永○爲○恥  
登○於○白○玉○盤○藉○以○如○霞○綺○莧○也○無○所○施○胡○顏○入○筐  
籠

以上諸篇皆羈旅無聊中卽景遺懷紀細事寫憂  
心而已然規模旣大波瀾自遠每一篇中莫不俯  
仰今昔推通物理言近而指則遠語質而思則深  
論者所云不作諸家細碎詩也劉勰云人稟七情  
應物斯感感物吟志莫非自然此之諸篇殆亦自



然流露者矣故能藏風韻於荒涼寓高華於懇朴  
若儲王田家詩但寫情景當別有位置不可與此  
並論

高元之曰自古工詩者未嘗無興也覩物有感  
則有興今之作詩以興近乎訕也故不敢作而  
詩之一義廢矣杜高苴詩皆興小人盛而掩抑  
君子也高適題處士園云耕地桑柘間地肥菜  
常熟爲問葵藿資何如廟堂內則近乎訕矣作  
詩者知興之與訕異殆可與言詩

浦起龍曰當與菁莪巷伯諸詩並讀人知好前  
後出塞三吏三別等篇不知好此種彼爲漢魏  
之後勁此爲風雅之希聲

八哀詩并序

傷時盜賊未息興起王公李公歎舊懷賢終於  
張相國八公前後存沒遂不詮次焉

贈司空王公思禮

司空出東夷童稚刷勁翮追隨燕薊兒穎銳物不  
隔服事哥舒翰意無流沙磧未甚拔行間大戎大

充斥短小精悍姿屹然強寇敵貫穿百萬眾出入  
由咫尺馬鞍懸將首甲外控鳴鏑洗劍青海水刻  
銘天山石九曲非外蕃其王轉深壁飛兔不近駕  
鷲鳥資遠擊曉達兵家流飽聞春秋癖胸襟日沈  
靜肅肅自有適潼關初潰散萬乘猶辟易偏裨無  
所施元帥見手格太子入朔方至尊狩梁益胡馬  
纏伊洛中原氣甚逆肅宗登寶位塞望勢敦迫公  
時徒步至請罪將厚責際會清河公閒道傳玉冊  
天王拜跪畢讜議果冰釋翠華卷飛雪熊虎巨阡

陌屯兵鳳凰山帳殿涇渭關金城賊咽喉詔鎮雄  
所搯禁暴清無雙爽氣春淅瀝巷有從公歌野多  
青青麥及夫哭廟後復領太原役恐懼祿位高悵  
望王土窄不得見清時嗚呼就窀穸永繫五湖舟  
悲甚田橫客千秋汾晉閒事與雲水白苦觀文苑  
傳豈述廉藺績嗟嗟鄧大夫士卒終倒戟

故司徒李公光弼

司徒天寶末北收晉陽甲胡騎攻吾城愁寂意不  
愜人安若泰山薊北斷右脅朔方氣乃蘇黎首見

印書書宋寺亭  
卷十二  
杜甫  
故司徒李公光弼



帝業二宮泣西郊九廟起頽壓未散河陽卒思明  
僞臣妾復自碣石來火焚乾坤獵高視笑祿山公  
又大獻捷異王冊崇勳小敵信所怯擁兵鎮河汴  
千里初安貼青蠅紛紛營營風雨秋一葉內省未入  
朝死淚終映曉大屋去高棟長城埽遺堞平生白  
羽扇零落蛟龍匣雅望與英姿惻愴槐里接三軍  
晦光彩烈士病稠疊直筆在史臣將來洗箱篋吾  
思哭孤冢南紀阻歸楫扶顛永蕭條未濟失利涉  
疲恭竟何人酒涕巴東峽

王李名將實爲起興所由李功業尤隆二篇氣魄  
沈摯最爲精彩

劉克莊曰語極悲壯其形容臨淮憂讒畏譏不  
敢入朝之意獨見分曉

贈左僕射鄭國公嚴公武

鄭公瑚璉器華岳金天晶昔在童子日已聞老成  
名嶷然大賢後復見秀骨清開口取將相小心事  
友生閱書百紙盡落筆四座驚歷職匪父任嫉邪  
常力爭漢儀尙整肅胡騎忽縱橫飛傳自河隴逢

人問公卿不知萬乘出雪涕風悲鳴受詞劍閣道  
謁帝蕭關城寂寞雲臺仗飄飄沙塞旌江山少使  
者笳鼓凝皇情壯士血相視忠臣氣不平密論貞  
觀體揮發岐陽征感激動四極聯翩收二京西郊  
牛酒再原廟丹青明匡汲俄寵辱衛霍竟哀榮四  
登會府地三掌華陽兵京兆空柳色尚書無履聲  
羣烏自朝夕白馬休橫行諸葛蜀人愛文翁儒化  
成公來雪山重公去雪山輕記室得何遜韜鈴延  
子荆四郊失壁壘虛館開逢迎堂上指圖畫軍中

吹玉笙。豈無成都酒。憂國只細傾。時觀錦水釣。問俗終相并。意待犬戎滅。人藏紅粟盈。以茲報主願。庶或禕世程。炯炯一心在。沈沈二豎嬰。顏回竟短折。賈誼徒忠貞。飛旄出江漢。孤舟轉荆衡。虛無馬融笛。悵望龍驤坐。空餘老賓客。身上愧簪纓。

嚴武鎮蜀雖多不法。然在蜀而蜀安。去蜀而蜀危。以其去來爲輕重。則道其實也。且武於甫最爲知己。故極寫其忠勤大略。諸將詩云。軍令分明數舉杯。亦同此意。



贈太子太師汝陽郡王璡

汝陽讓帝子。眉宇眞天人。虬鬚似太宗。色映塞外春。往者開元中。主恩視遇頻。出入獨非時。禮異見羣臣。愛其謹潔極。倍此骨肉親。從容聽朝後。或在風雪晨。忽思格猛獸。苑圃騰清塵。羽旗動若一。萬神肅駢駢。詔王來射雁。拜命已挺身。箭出飛鞞內。氣迴翠麟翻。然紫塞。融下拂明月。輪胡人雖獲。谷絲不爲新。王每中一物。手自與金銀。袖中諫丸在。豈止上陳竟。無銜際虞聖。聰矧多仁官。免

供給費水有在藻鱗匪唯帝老大皆是王忠勤晚  
年務置醴門引申白賓道大容無能永懷侍芳茵  
好學尙貞烈義形必霑巾揮翰綺繡揚篇什若有  
神川廣不可泝墓久狐兔鄰宛彼漢中郡文雅見  
天倫何以開我愁泛舟俱遠津溫溫昔風味少壯  
已書紳舊遊易磨滅衰謝增酸辛

贈秘監江夏李公邕

長嘯宇宙間高才日陵替古人不可見前輩復誰  
繼憶昔李公存詞林有根柢聲華當健筆灑落富

清製風流散金石。追琢山岳銳精窮。造化理學貫  
天人際。干謁走其門。碑版照四裔。各滿深望還。森  
然起凡例。蕭蕭白楊路。洞徹寶珠惠。龍宮塔廟湧。  
浩劫浮雲衛。宗儒俎豆事。故吏去思計。眄睐已皆  
虛。跋涉曾不泥。向來映當時。豈獨勸後世。豐物珊  
瑚鉤。騏驎織成罽。紫駟隨劍凡。義取無虛歲。分宅  
脫驂間。感激懷未濟。眾歸賙給美。擺落多藏穢。獨  
步四十年。風聽九臯唳。嗚呼江夏姿。竟掩宣尼袂。  
往者武后朝。引用多寵嬖。否臧太常議。面折二張

勢。衰。俗。凜。生。風。排。蕩。秋。旻。霽。忠。貞。負。冤。恨。宮。闕。深。  
旒。綴。放。逐。早。聯。翩。低。垂。困。炎。厲。日。斜。鵬。鳥。入。魂。斷。  
蒼。梧。帝。榮。枯。走。不。暇。星。駕。無。安。稅。幾。分。漢。廷。竹。夙。  
擁。文。侯。簪。終。悲。洛。陽。獄。事。近。小。臣。儆。禍。階。初。負。謗。  
易。力。何。深。嶠。伊。昔。臨。淄。亭。酒。酣。托。末。契。重。敘。東。都。  
別。朝。陰。改。軒。砌。論。文。到。崔。蘇。指。盡。流。水。逝。近。伏。盈。  
川。雄。未。甘。特。進。麗。是。非。張。相。國。相。扼。一。危。脆。爭。名。  
古。豈。然。關。鍵。歟。不。閑。例。及。吾。家。詩。曠。懷。掃。氛。翳。慄。  
慨。嗣。真。作。咨。嗟。玉。山。桂。鍾。律。儼。高。懸。鯢。鯨。噴。迢。遼。



坡。隨。青。州。血。蕪。沒。汶。陽。瘞。哀。贈。竟。蕭。條。恩。波。延。揭。  
厲。子。孫。存。如。綫。舊。客。舟。凝。滯。君。臣。尙。論。兵。將。帥。接。  
燕。薊。朗。咏。六。公。篇。憂。來。豁。蒙。蔽。

仇。兆。鼇。日。各。章。以。序。事。成。文。部。署。森。嚴。純。似。班。  
史。惟。此。章。感。慨。激。昂。排。蕩。變。化。直。追。龍。門。之。筆。  
細。按。其。前。後。段。落。又。未。嘗。不。脉。絡。整。齊。也。

故秘書少監武功蘇公源明

武。功。少。也。孤。徒。步。客。徐。充。讀。書。東。岳。中。十。載。考。墳。  
典。時。下。萊。蕪。郭。恐。飢。浮。雲。嘯。負。米。晚。爲。身。每。食。臉。

必泣夜字照。爇薪垢衣生。碧蘚庶以勤。苦志報茲  
劬。勞顯學蔚醇。儒姿文包舊。史善灑落辭。幽人歸  
來潛。京輦射君東。堂策宗匠集。精選制可題。未乾  
乙科已大闡。文章日自負。吏祿亦累踐。晨趨閭闔  
丙足踏。宿昔趼一麾。出守還黃屋。朔風卷不暇。陪  
八駿。虜庭悲所遣。平生滿樽酒。斷此朋知展。憂憤  
病二秋。有恨石可轉。肅宗復社稷。得無逆順辨。范  
曄顧其兒。李斯憶黃犬。秘書茂松意。溟漲本末淺。  
青熒芙蓉劍。犀兕豈獨剗。反爲後輩褻。予實苦懷

緬煌煌齋房芝事絕萬手拳垂之俟來者正始徵  
勸勉不要懸黃金胡為投乳贖結交三十載吾與  
誰遊衍滎陽復冥冥罪罟已橫胷嗚呼子逝日始  
泰則終蹇長安米萬錢凋喪盡餘喘戰伐何當解  
歸帆阻清沔尚纏漳水疾永負蒿里餞

故著作郎貶台州司戶滎陽鄭公虔

鷄鵠至魯門不識鐘鼓饗孔翠望赤霄愁思雕籠

養滎陽冠眾儒早聞名公賞地崇士大夫況乃氣

精爽原注往者公在疾蘇許公頽位尊望重素未相識早愛才名躬自撫問後結忘年之契遠

之。邇嘉天然生知姿學立游夏上神農極一闕漏黃石

愧師長藥纂西極名原注公著蒼葢等諸書之外又撰胡本草七卷兵流

指諸掌貫穿無遺恨蒼葢何技癢圭臬星經奧蟲

篆丹青廣子雲窺未遍方朔諧太枉神翰顧不一

體變鍾兼兩文傳天下口太字猶在榜昔獻書畫

圖新詩亦俱往滄洲動玉陛寡鶴誤一響三絕自

御題四方尤所仰嗜酒益疏放彈琴視天壤形骸

實土木親近唯几杖未曾寄宮曹突兀倚書幌晚

就芸香閣胡塵昏坱莽反覆歸聖朝點染無滌盪

杜甫 故 春在 前 殿 台 州 司 一



老蒙台州椽泛泛浙江槩履穿四明雪飢拾檣溪  
椽空聞紫芝歌不見杏壇丈天長跳東南秋色餘  
翹翹別離慘至今斑白徒懷曩春深秦山秀葉墜  
清渭朗劇談王公門野稅林下鞅操紙終夕酣時  
物集遐想詞塲竟疏闊平昔濫吹獎百年見存沒  
牢落吾安放蕭條阮咸在出處同世網他日訪江  
樓含悽迹飄蕩原注著作與今祕書監鄭君審篇  
翰齊價謫江陵故有阮咸江樓之

王士正曰百年見存沒牢落吾安放十字悲甚

故右僕射相國張公九齡

相國生南紀。金璞無留礦。仙鶴下人間。獨立霜毛  
整。矯然江海思。復與雲路永。寂寞想土階。未遑等  
箕穎。上君白玉堂。倚君金華省。碣石歲崢嶸。天地  
日蛙黷。退食吟大庭。何心記榛梗。骨驚畏曩哲。鬢  
變負人境。雖蒙換蟬冠。右地慙多幸。敢忘二疏歸。  
痛迫蘇耽井。紫綬映暮年。荆州謝所領。庾公興不  
淺。黃霸鎮每靜。賓客引調同。諷詠在務屏。詩罷地  
有餘。篇終語清省。一陽發陰管。淑氣含公鼎。乃知

從遠肩... 卷十一  
君子心用才文章境散帙起翠螭倚薄巫廬並綺  
麗元暉擁牋誅任昉騁自我一家則未缺隻字警  
千秋滄海南名繫朱鳥影歸老守故林戀闕悄延  
頸波濤良史筆燕絕大庾嶺向時禮數隔制作難  
上請再請徐孺碑猶思理煙艇

子美入哀自是鉅篇然以韻語作敘述情緒既繁  
筆墨不無利鈍大家之文正如黃河之水滔滔莽  
莽魚龍砂石與流俱下非如沼沚之湖慨清泠可喜  
而已論此詩者譽之或過其實毀之亦以損其真惟

盧世漣曰八哀詩未免傷煩傷汎然詩家之元氣  
在焉杜詩之體統存焉不可遺亦不容選斯言得  
之

劉克莊曰八哀詩崔德符謂可以表裏雅頌中  
古作者莫及韓子蒼謂其筆力變化當與太史  
公諸贊方駕惟葉石林謂長篇最難晉魏以前  
無過十韻常使人以意逆志初不以敘事顛倒  
爲工此八篇本非集中高作而世多尊稱不敢  
置議其病蓋傷於多如李邕蘇源明篇中多累



從邊唐言西  
九齡  
三  
句芟去方爲盡善余謂韓比此於史公紀傳固  
不易之論至於石林之評累句爲長篇者亦不  
可不知

寫懷

勞○生○其○乾○坤○何○處○異○風○俗○冉○冉○自○趨○競○行○行○見○羈  
束○無○貴○賤○不○悲○無○富○貧○亦○足○萬○古○一○骸○骨○鄰○家○遞  
歌○哭○鄙○夫○到○巫○峽○三○歲○如○轉○燭○全○命○甘○留○滯○忘○情  
任○榮○辱○朝○班○及○暮○齒○日○絲○還○脫○粟○編○蓬○石○城○東○採  
藥○山○北○谷○用○心○霜○雪○閒○不○必○條○蔓○綠○非○關○故○安○排

曾○是○順○幽○獨○達○士○如○弦○直○小○人○似○鉤○曲○曲○直○我○不  
知○負○暄○候○樵○牧

貌古心遠見道之言非關矯語

觀公孫大娘弟子舞劍器行并序

大曆二年十月十九日夔府別駕元持宅見臨  
穎李十二娘舞劍器壯其蔚跂問其所師曰余  
公孫大娘弟子也開元三載余尙童穉記於郾  
城觀公孫氏舞劍器渾脫瀏灑頓挫獨出冠時  
自高頭宜春梨園二伎坊內人洎外供奉曉是

舞者聖文神武皇帝初公孫一人而已玉貌錦  
衣况余白首今茲弟子亦非盛顏既辨其由來  
知波瀾莫二撫事慷慨聊爲劍器行往者吳人  
張旭善草書書帖數常於鄴縣見公孫大娘舞  
西河劍器自此草書長進豪蕩感激卽公孫可  
知矣

昔有佳人公孫氏一舞劍器動四方觀者如山色  
沮喪天地爲之久低昂燿如羿射九日落矯如羣  
帝驂龍翔來如雷霆收震怒絳如罷海凝清光絳

唇珠袖兩寂寞晚有弟子傳芬芳臨臨美人白  
帝妙舞此曲神揚揚與余問答既有以感時撫事  
增惋傷先帝侍女八千人公孫劍器初第一五十  
年間似反掌風塵頓洞昏王室梨園子弟散如煙  
女樂餘姿映寒日金粟堆南木已拱瞿塘石城草  
蕭瑟玳筵急管曲復終樂極哀來月東出老大不  
知其所往足繭荒山轉愁疾  
前如山之嶙峋後如海之波瀾前半極其濃至後  
半感嘆音響一何悲絃急知柱促也



劉克莊曰此篇與琵琶行一如壯士軒昂赴敵場一如兒女恩怨相爾汝

王嗣爽曰此見舞劍器而傷往事全是爲開元天寶五十年間治亂興衰而發

王士正曰陳暘樂書云樂府諸曲自古不用犯聲自則天末年劍器入渾脫爲犯聲之始

宮調渾脫商調以臣犯君故爲犯聲又唐多用解曲如柘枝用渾脫解之類觀此則劍器渾脫

各爲舞曲之名今人誤讀杜序以渾脫瀏灑頓

控六字爲句文字中往往連綴用之可笑也

同元使君春陵行并序

覽道州元使君結春陵行兼賊退後示官吏作  
二首志之曰當天子分憂之地效漢官良吏之  
日今盜賊未息知民疾苦得結輩十數公落落  
然參錯天下爲邦伯萬物吐氣天下少安可得  
矣不意復見此興體制微婉頓挫之詞感而有  
詩增諸卷軸簡知我者不必寄元

遭亂髮盡白轉衰病相嬰沉綿盜賊際狼狽江漢

行歎時藥力薄爲客羸瘵成吾人詩家秀博採世  
上名粲粲元道州前聖畏後生觀乎春陵作歛見  
俊哲情復覽賊退篇結也實國楨賈誼昔流慟匡  
衡常引經道州憂黎庶詞氣浩縱橫兩章對秋月  
一字借華星致君唐虞際純樸憶大庭何時降璽  
書用爾爲丹青獄訟永衰息豈惟偃甲兵悽惻念  
誅求薄歛近休明乃知正人意不苟飛長纓涼飈  
振南岳之子寵若驚色阻金印大興金口滄浪清我  
多長卿病日夕思朝廷肺枯渴太甚漚沙泊公孫城

呼兒具紙筆、隱几臨軒楹、作詩呻吟、內墨淡字、欵  
頌、感彼危苦、詞庶幾知者聽、

惴惴無華之吏、日計不足、歲計有餘、不肖者橫征  
暴斂、指削元氣、爲民蝨賊、古之賢君、所以惓惓於  
良二千石也、甫此篇所謂干預教化之尤者、元結  
二詩仁者之言、可以並垂不朽、

元結春陵行序云、癸卯歲、漫叟授道州刺史、道  
州舊四萬餘戶、經賊以來、不滿四千、大半不勝  
賦稅、到官未五十日、承諸使徵求符牒二百餘



封皆曰失其限者罪至貶削於戲若悉應其命  
則州縣破亂刺史欲焉逃罪若不應命又卽獲  
罪戾必不免也吾將守官靜以安人待罪而已  
此州是春陵故地故作春陵行以達下情詩曰  
軍國多所須切責在有司有司臨郡縣刑法竟  
欲施供給豈不憂徵歛又可悲州小經亂亡遺  
人實困疲大鄉無十家大族命單羸朝殮是草  
根暮食乃樹皮出言氣欲絕意速行步遲追呼  
尙不忍况乃鞭朴之郵亭傳急符來往迹相追

更無寬大恩但有迫促期欲令鬻兒女言發恐  
亂隨悉使索其家而又無生資聽彼道路言怨  
傷誰復知去冬山賊來殺奪幾無遺所願見王  
官撫養以惠慈奈何重驅逐不使存活爲安人  
天子命符節吾所持州縣忽亂亡得罪復是誰  
逋緩違詔令蒙責固所宜前賢重守分惡以禍  
福移亦云貴守官不愛能適時顧唯孱弱者正  
直當不虧何人採國風吾欲獻此辭又賊退示  
官吏序云癸卯歲西原賊入道州殺掠幾盡而

去明年賊又攻永破邵不犯此州邊鄙而退豈  
力能制敵蓋蒙其傷憐而已諸使何爲忍苦徵  
斂故作詩一篇以示官吏詩曰昔歲逢太平山  
林二十年泉源在庭戶洞壑當門前井稅有常  
期日晏猶得眠忽然遭世變數歲親戎旃今來  
典斯郡山夷又紛然城小賊不屠人貧傷可憐  
是以陷鄰境此州獨見全使臣將王命豈不如  
賊焉今彼徵斂者迫之如火煎誰能絕人命以  
作時世賢思欲委符節引竿自刺船將家就魚

菱窮老江湖邊

李潮八分小篆歌

蒼頡鳥跡既茫昧。字體變化如浮雲。陳倉石鼓又  
已訛。大小二篆生八分。秦有李斯漢蔡邕。中間作  
者寂不聞。嶧山之碑野火焚。棗木傳刻肥失真。苦  
縣光和尙骨立。書貴瘦硬方通神。惜哉李蔡不復  
得。吾甥李潮下筆親。尙書韓擇木。騎曹蔡有鄰。開  
元已來數八分。潮也奄有二子成三人。况潮小篆  
逼秦相。快劍長戟森相向。八分一字直百金。蛟龍



盤。拏。肉。屈。強。吳。郡。張。顛。誇。草。書。草。書。非。古。空。雄。壯。  
豈。如。吾。甥。不。流。宕。丞。相。中。郎。丈。人。行。巴。東。逢。李。潮。  
逾。月。求。我。歌。我。今。衰。老。才。力。薄。潮。乎。潮。乎。奈。汝。何。  
論。書。皆。中。肯。繁。坡。老。云。杜。陵。評。書。貴。瘦。硬。此。論。未。  
公。吾。不。憑。特。借。作。跌。宕。耳。非。遂。不。許。其。論。也。詩。亦。  
瘦。硬。無。比。

聽楊氏歌

佳。人。絕。代。歌。獨。立。發。皓。齒。滿。堂。慘。不。樂。響。下。清。虛。  
裏。江。城。帶。素。月。况。乃。清。夜。起。老。大。悲。暮。年。壯。士。淚。

如水玉盃久寂寞。金管迷宮微。勿云聽者疲。愚智  
心盡死。古來傑出土。豈待一知己。吾聞昔秦青。傾  
側天下耳。

荆南兵馬使太常卿趙公大食刀歌

大常樓船聲。噉嘈問兵刮。寇趨下牢牧。出令奔收  
百艘。猛蛟突獸紛。騰逃白帝寒。城駐錦袍元。冬示  
我胡國。刀壯士短衣。頭虎毛憑軒。拔鞘天爲高。翻  
風轉日木。怒號沐翼雪。淡傷哀。猱鑄錯碧。嬰鷓鴣  
膏。銚鏑已瑩虛。秋濤鬼物撇。振辭坑壕蒼水使者。

捫赤條龍伯國人罷釣鼈  
芮公迴首顏色勞分闡  
救世用賢豪趙公主立高歌起攬環結佩相終始  
萬歲持之護天子得君亂絲與君理蜀江如線如  
鍼水荆岑彈丸心未已賊臣惡子休干紀魑魅魍  
魎徒為耳妖腰亂領敢欣喜用之不高亦不庠不  
似長劍須天倚吁嗟光祿英雄弭大食寶刀聊可  
比丹青宛轉麒麟裏光芒六合無泥滓

王嗣奭曰此燕歌行變體布局既新鍊詞特異  
所謂驚人之作

王兵馬使二角鷹

悲臺蕭颯石龍嵒哀壑杙訝浩呼洶中有萬里之  
長江迴風滔日孤光動角鷹翻倒壯士臂將軍玉  
帳軒勇氣二鷹猛腦條徐墜目如愁胡視天地杉  
雞竹兔不自惜溪虎野羊俱辟易韝上鋒稜十二  
翻將軍勇銳與之敵將軍樹勳起安西崑崙虞泉  
入馬蹏白羽曾肉三狡獍敢決豈不與之齊荆南  
芮公得將軍亦如角鷹下翔雲惡鳥飛飛啄金屋  
安得爾輩開其羣驅出六合梟鸞分



以賦鷹者賦人賓主離合幾如魚龍變化眩人心  
目此與前篇皆擺脫恆蹊體格音節蒼然入古  
沈德潛曰起四句不著鷹一字然如有角鷹飛  
於目前入手須如此著墨

狄明府

梁公會孫我姨弟不見十年官濟濟大賢之後竟  
陵遲浩蕩古今同一體比看叔伯四十人有才無  
命百僚底今者兄弟一百人幾人卓絕秉周禮在  
汝更用文章爲長兄白眉復天啓汝門請從曾翁

說太后當朝多巧。詆狄公執政在末年。濁河終不  
污。清濟國嗣初將付諸武公。獨廷諍守丹陛。禁中  
決冊請房陵前朝老臣。皆流涕。太宗社稷一朝正。  
漢官威儀重。昭洗時危始識不世才。誰謂荼苦甘  
如薺。汝曹又宜列土食。身使門戶多旌檠。胡爲漂  
泊岷漢間。干謁王侯頗。歷抵况乃山高水有波。秋  
風蕭蕭露泥泥。虎之飢下巉。岳蛟之橫出清泚。早  
歸來黃土泥衣眼。易眯。

浦起龍曰。舊說此詩俱以憐狄漂零爲解。今觀

從運屋才詩酉卷三  
三  
篇尾一段乃與昌黎送董邵南序同意蓋博濟  
必不得志於朝而歷于藩鎮者時河北方多擅  
命意頗不喜其往也

秋風二首

秋風淅淅吹巫山上。牢下牢修水關。吳檣楚柂牽  
百丈。暖向神都寒未還。要路何日罷長戟。戰白青  
羌連百蠻。中巴不曾消息好。暝傳戍鼓長雲間。  
秋風淅淅吹我衣。東流之外西日微。天清小城擣  
練急。石古細路行人稀。不知明月爲誰好。早晚孤

帆他夜歸會將白髮倚庭樹故園池臺今是非  
洗馬言愁淒然可聽

### 虎牙行

秋風歛吸吹南國天地慘慘無顏色洞庭揚波江  
漢迴虎牙銅柱皆傾側巫峽陰岑朔漠氣峰巒窈  
窕谿谷黑杜鵑不來猿狖寒山鬼幽憂雪霜逼楚  
老長嗟憶炎瘴三尺角弓兩斛力壁立石城橫塞  
起金錯旌竿滿雲直漁陽突騎獵青邱犬戎鏃甲  
聞丹極八荒十年防盜賊征戍誅求寡妻哭遠客



中宵淚露臆。

後苦寒行二首

南紀巫廬瘴不絕。太古以來無尺雪。蠻夷長老怨  
苦寒。崑崙天關凍。應折元猿口。噤不能嘯。白鵠翅  
垂眼流血。安得春泥補地裂。

晚來江門失大木。猛風中夜吹白屋。天兵斬斷青  
海戎。殺氣南行動地軸。不爾苦寒何太酷。巴東之  
峽生凌澌。彼蒼回斡人得知。

節短勢險別成格調

張潛曰命意用筆善於轉換

夜歸

夜來歸來衝虎過。山黑家中已眠臥。傍見北斗向江低。仰看明星當空火。庭前把燭噴兩炬。峽口驚猿聞一箇。白頭老罷舞復歌。杖藜不睡誰能那。

醉爲馬墜諸公攜酒相看

甫也諸侯老賓客。罷酒酣歌拓金戟。騎馬忽憶少年時。散蹄迸落瞿塘石。白帝城門水雲外。低身直下八千尺。粉堞電轉紫遊韁。東得平岡出天壁。江

村野堂爭入眼垂鞭鞞鞞凌紫陌向來皓首驚萬人  
自倚紅顏能騎射安知決臆追風足朱汗驂驪  
猶噴玉不虞一蹶終損傷人生快意多所辱職當  
憂戚伏衾枕況乃遲暮加煩促朋知來問腆我顏  
杖藜強起倚僮僕語盡還成開口笑提攜別掃清  
谿曲酒肉如山又一時初筵哀絲動豪竹共指西  
日不相貸喧呼且覆盃中滌何必走馬來爲問君  
不見嵇康養生遭殺戮

前有聲色後饒情致一敘一解老氣無匹

大覺高僧蘭若

原注和尚去冬往湖南

巫山不見廬山遠。松林蘭若秋風晚。一老猶鳴日暮鐘。諸僧尙乞齋時飯。香鑪峰色隱晴湖。種杏仙家近白榆。飛錫去年嗑邑子。獻花何日許門徒。風調清迥頗似摩詰

宿青溪驛奉懷張員外十五兄之緒

漾舟干山內。日入泊枉渚。我生本飄飄。今復在何許。石根青楓林。猿鳥聚儔侶。月明遊子靜。畏虎不得語。中夜懷朋友。乾坤此深阻。浩蕩前後閒。佳期



付荆楚

黃生曰此詩在杜集已爲輕秀之作較諸唐賢  
猶見氣骨

憶昔行

憶昔北尋小有洞。洪河怒濤過輕舸。辛勤不見華  
蓋君。良岑青輝慘么麼。干崖無人萬壑靜。三步回  
頭五步坐。秋山眼冷魂未歸。仙賞心違淚交墮。弟  
子誰依白茅室。盧老獨啓青銅鎖。巾拂香餘搗藥  
塵。階除灰死燒丹火。元圃滄洲莽空闊。金節羽衣

飄。娉。娜。落。日。初。霞。閃。餘。映。倏。忽。東。西。無。不。可。松。風。  
。彌。水。聲。合。時。青。兕。黃。熊。嘯。向。我。徒。然。咨。嗟。無。遺。迹。  
。至。今。夢。想。仍。猶。左。秘。訣。隱。文。須。內。教。晚。歲。何。功。使。  
。願。果。更。討。衡。陽。董。鍊。師。南。浮。早。鼓。瀟。湘。旄。

魏將軍歌

將。軍。昔。著。從。事。衫。鐵。馬。馳。突。重。雨。銜。被。堅。執。銳。畧。  
。西。極。崑。崙。月。窟。東。嶄。巖。君。門。羽。林。萬。猛。士。惡。若。哮。  
。虎。子。所。監。五。年。起。家。列。霜。戟。一。日。過。海。收。風。帆。平。  
。生。流。輩。徒。蠢。蠢。長。安。少。年。氣。欲。盡。魏。侯。骨。聳。精。爽。

緊○華○嶽○峰○尖○見○秋○隼○星○纏○寶○校○金○盤○陀○夜○騎○天○駟○  
超○天○河○攬○槍○熒○惑○不○敢○動○翠○蕤○雲○旂○相○蕩○摩○吾○爲○  
子○起○歌○都○護○酒○闌○插○劍○肝○膽○露○鈎○陳○蒼○蒼○風○元○武○  
萬○歲○千○秋○奉○明○主○臨○江○節○士○安○足○數○  
精○緊○廉○悍○自○是○子○美○盛○年○之○作○

仇兆鰲曰前用八句轉韻中間各四句轉末則  
三句兩句疊韻蓋歌中音調取其繁聲促節也

北風

北○風○破○南○極○朱○鳳○日○威○垂○洞○庭○秋○欲○雪○鴻○雁○將○安○

歸十年殺氣盛。六合人煙稀。吾慕漢初老。時清猶  
茹芝。

白鳧行

君不見黃鵠高於五尺童。化為白鳧似老翁。故畦  
遺穗已蕩盡。天寒歲暮波濤中。鱗介腥羶素不食。  
終日忍飢西復東。魯門鷄鶩亦蹭蹬。聞道如今猶  
避風。

託寄悱惻

董斯張曰魯門爰居隱然有不饗太牢不樂鐘



鼓之態此老偏彊百折不回

醉歌行贈公安顏少府請顧八題壁

神仙中人不。易得。顏氏之子才孤標。天馬長鳴待。駕馭秋鷹整。翮當雲霄。君不見東吳顧文學。君不見西漢杜陵老。詩家筆勢君不嫌。詞翰升堂爲君掃。是日霜風凍七澤。烏蠻落照銜赤壁。酒酣耳熱忘頭白。感君意氣無所惜。一爲歌行歌主客。偶然酬應必挾奇。氣而出隨筆所至皆臻妙境。

夜聞簷策

夜聞簷策滄江上。衰年側耳情所嚮。鄰舟一聽多  
感傷。塞曲三更歛悲壯。積雪飛霜此夜寒。孤燈急  
管復風湍。君知天地干戈滿。不見江湖行路難。

發劉郎浦

挂帆早發劉郎浦。疾風颯颯昏亭午。舟中無日不  
沙塵。岸上空村盡豺虎。十日北風風未迴。客行歲  
晚晚相催。白頭厭伴漁人宿。黃帽青鞋歸去來。

別董道

窮冬急風水。逆浪開帆難。士子甘旨闕。不知道里

寒有求彼樂士南適小長安別我舟楫去覺君衣  
裳單素聞趙公節兼盡賓主歡已結門廬望無令  
霜雪殘老夫纜亦解脫粟朝未餐飄蕩兵甲際幾  
時懷抱寬漢陽頗寧靜峴首試考槃當念著白帽  
采薇青雲端

情意稠疊深得贈言之義

送顧八分文學適洪吉州

中郎石經後八分蓋憔悴顧侯運鑪錘筆力破餘  
地昔在開元中韓蔡同鼯夙元宗妙其書是以數

子至御札早流傳。揄揚非造次。三人並入直恩澤。  
各不二顧於韓蔡內。辨眼工小字。分日示諸王。鉤。  
深法更秘。文學與我遊。蕭疏外聲利。追隨二十載。  
浩蕩長安醉高歌。卿相宅文翰。飛省寺視我楊馬。  
閒。白首不相棄。驂駟入窮巷。必脫黃金轡。一論朋。  
友難。遲暮敢失墜。古來事反覆。相見橫涕泗。嚮者。  
玉珂人。誰是青雲器。才盡傷形體。病渴汗官位。故。  
舊獨依然。時危話顛躓。我甘多病老子。負憂世志。  
胡爲困衣食。顏色少稱遂。遠作辛苦行。順從衆多。



意舟楫無根蒂蛟鼉好為祟况兼水賊繁特戒風  
飈駛崩騰戎馬際往往殺長吏子干東諸侯勸勉  
防縱恣邦以民為本魚飢費香餌請哀瘡痍深告  
訴皇華使使臣精所擇進德知歷試惻隱誅求情  
固應賢愚異烈士惡苟得俊傑思自致贈子猛虎  
行出郊載酸鼻

振筆直書縱橫歷落行乎其所當行止乎其所不  
得不止詩境至此亦從心不踰矩時也

王嗣爽曰全篇無一字虛飾可以知其相與之

情而愛民之真懇規友之直諒又兩見之矣

遣遇

磬折辭主人開帆駕洪濤春水滿南國朱崖雲日  
高舟子廢寢食飄風爭所操我行匪利涉謝爾從  
者勞石間采蕨女鬻菜輪官曹丈夫死百役暮返  
空村號聞見事畧同刻剝及錐刀貴人豈不仁視  
汝如莠蒿索錢多門戶喪亂紛嗷嗷奈何黠吏徒  
漁奪成逋逃自喜遂生理花時甘緼袍

解憂

徐選身夕言酉卷三  
減米散同舟路難思其濟向來雲濤盤眾力亦不  
細呀坑瞥眼過飛櫓本無帶得失瞬息閒致遠宜  
恐泥百慮視安危分明曩賢許茲理庶可廣拳拳  
期勿替  
出險思懼真更事之言

宿鑿石浦

早宿賓從勞仲春江山麗飄風過無時舟楫敢不  
繫回塘淡暮色日沒眾星鳴缺月殊未生青燈死  
分翳窮途多俊異亂世少恩惠鄙夫亦放蕩草草

頻卒歲。斯文憂患餘。聖哲垂象繫。

過津口

南岳自茲近。湘流東逝深。和風引桂楫。春日漲雲岑。回首過津口。而多楓樹林。白魚困密網。黃鳥喧嘉音。物微限通塞。惻隱仁者心。食餘不盡酒。膝有無聲琴。聖賢兩寂寞。眇眇獨開襟。

紀行諸詩一片老境。有如天降時雨。山川出雲木。葉盡脫石氣。自青視入蜀詩。別一境界。蓋渾用力之迹。而臻於化矣。



# 次空靈岸

云。云。逆。素。浪。落。落。展。青。眺。幸。有。舟。楫。遲。得。盡。所。歷。  
 妙。空。靈。霞。石。峻。楓。枯。隱。奔。峭。青。春。猶。無。私。白。日。亦。  
 偏。照。可。使。營。吾。居。終。焉。託。長。嘯。毒。瘴。未。足。憂。兵。戈。  
 滿。邊。徼。嚮。者。留。遺。恨。恥。為。達。人。詔。迴。帆。覬。賞。延。佳。  
 處。頌。其。要。

## 宿花石戍

午。辭。空。靈。岑。夕。得。花。石。戍。岸。疏。開。闢。水。木。雜。今。古。  
 樹。地。蒸。南。風。盛。春。熱。西。日。暮。四。序。本。平。分。氣。候。何。

迴○互○茫○茫○天○造○閒○理○亂○豈○恒○數○繫○舟○盤○藤○輪○策○杖○  
古○樵○路○罷○人○不○在○村○野○圃○泉○自○注○柴○扉○雖○蕪○沒○農○  
器○向○牢○固○山○東○殘○迹○氣○吳○楚○守○主○度○誰○能○扣○君○門○  
下○令○減○征○賦○

體兼鮑謝義入風詩

望嶽

南○嶽○配○朱○鳥○秩○禮○自○百○王○歛○吸○領○地○靈○鴻○洞○半○炎○  
方○邦○家○用○祀○典○在○德○非○馨○香○巡○狩○何○寂○寥○有○虞○今○  
則○亡○洎○吾○隘○世○網○行○邁○越○瀟○湘○渴○日○絕○壁○出○漾○舟○

清光旁祝融。五峰尊峰峰。次低昂。紫蓋獨不朝。爭  
長。峯相望。恭聞魏夫人。羣仙夾翱翔。有時五峰氣  
散。風如飛。霜牽迫。限修途。未暇杖崇岡。歸來覬命  
駕。沐浴休玉堂。三歎問府主。曷以贊我皇。牲璧忍  
表俗神。其思降祥。

岱華二詩筆意峭拔各極其變此則另闢一格出  
以典重以明德惟馨之意勗勵守土尤有立言之  
旨非徒得郊壇登歌氣象

沈德潛曰靈光縹渺氣象肅穆漢人練時日帝

臨諸章是此詩原本

岳麓山道林二寺行

玉泉之南麓山殊道林林壑爭盤紆寺門高開洞  
庭野殿脚插入赤沙湖五月寒風冷佛骨六時天  
樂朝香爐地靈步步雪山草僧寶人人滄海珠塔  
劫宮牆壯麗敵香廚松道清涼俱蓮花交響共命  
鳥金榜雙迴三足烏方丈涉海費時節元圃尋河  
知有無暮年且喜經行近春日兼蒙暄暖扶飄然  
斑白身奚適傍此煙霞茅可誅桃源人家易制度



橘洲田土仍膏腴潭府邑中甚淳古太守庭內不  
喧呼昔遭衰世皆晦迹今幸樂國養微軀依止老  
宿亦未晚富貴功名焉足圖久為野客尋幽慣細  
學何顛免興孤一重一掩吾肺腑山鳥山花吾友  
手宋公放逐曾題壁物色分留與老夫  
排比綿麗

王嗣爽曰全篇一氣抒寫如珠走盤

歲晏行

歲云暮矣多北風瀟湘洞庭白雪中漁父天寒網

密。凍。莫。徭。射。雁。鳴。桑。弓。去。年。米。貴。闕。軍。食。今。年。米。  
賤。大。傷。農。高。馬。達。官。厭。酒。肉。此。輩。杼。軸。茅。茨。空。楚。  
人。重。魚。不。重。烏。汝。休。枉。殺。南。飛。鴻。况。聞。處。處。鬻。男。  
女。割。慈。忍。愛。還。租。庸。往。日。用。錢。捉。私。鑄。今。許。鉛。錫。  
和。青。銅。刻。泥。爲。之。最。易。得。好。惡。不。合。長。相。蒙。萬。國。  
城。頭。吹。畫。角。此。曲。哀。怨。何。時。終。

聲。哀。厲。而。彌。長。其。氣。之。老。正。在。參。錯。中。

追。酬。故。高。蜀。州。人。日。見。寄

并。序

開。文。書。帙。中。檢。所。遺。忘。因。得。故。高。常。侍。適。往。居。

在成都時。高任蜀州刺史。人日相憶見寄詩。淚  
灑行閒。讀終篇末。自注詩已十餘年。莫記存歿。  
又六七年矣。老病懷舊。生意可知。今海內忘形  
故人。獨漢中王瑀。與昭州敬使君超先。在愛而  
不見。情見乎辭。大曆五年正月二十一日。却追  
酬高公此作。因寄王及敬弟。

自蒙蜀州人日作。不意清詩久零落。今晨散帙眼  
忽開。迸淚幽吟事如昨。嗚呼壯士多慷慨。合沓高  
名動寥廓。歎我悽悽求友篇。感時鬱鬱匡君略。錦

里春光空爛熳。瑤墀侍臣已冥冥。瀟湘水國傍鼉  
鼉。鄴杜秋天失。鵬鶚東西南北更誰論。白首扁舟  
病獨存。遙拱北辰纏寇盜。欲傾東海洗乾坤。邊塞  
西蕃最充斥。衣冠南渡多崩奔。鼓瑟至今悲帝子。  
曳裾何處覓王門。文章曹植波瀾闊。服食劉安德  
業尊。長笛誰能亂愁思。昭州詞翰與招魂。

蘇大侍御訪江浦賦八韻紀異

并序

蘇大侍御渙靜者也。旅於江側。凡是不交州府  
之客。人事都絕久矣。肩輿江浦。忽訪老夫舟楫。



而已茶酒內余請誦近詩肯吟數首。才力素壯  
詞句動人。接對明日憶其湧思雷出書篋几杖  
之外殷殷留金石聲賦八韻記異亦見老夫傾  
倒於蘇至矣

龐公不浪出蘇氏今有之再聞誦新作突過黃初  
詩乾坤幾反覆楊馬宜同時今晨清鏡中勝食齋  
房芝余髮喜却變白閒生黑絲昨夜舟火滅湘娥  
簾外悲白靈未敢散風破寒江遲  
結語奇妙耐人百味

仇兆鰲曰詩止七韻而題云八韻用韻取耦不取奇也

孫光憲曰渙有變律詩十九首上廣帥李公唐人謂渙詩長於諷刺得陳拾遺一鱗半甲後以作亂伏誅

題衡山縣文宣王廟新學堂呈陸宰

旄頭彗紫微無復俎豆事金甲相排蕩青衿一憔悴嗚呼已十年儒服弊於地征夫不遑息學者淪素志我行洞庭野歛得文翁肆僣僣胃子行若舞

風。雩。至。周。室。宜。中。興。孔。門。未。應。棄。是。以。資。雅。才。渙。  
然。立。新。意。衡。山。雖。小。邑。首。唱。恢。大。義。因。見。縣。尹。心。  
根。源。舊。宮。闕。講。堂。非。曩。構。大。屋。加。塗。墜。下。可。容。百。  
人。牆。隅。亦。深。邃。何。必。三。千。徒。始。壓。戎。馬。氣。林。木。在。  
庭。戶。密。幹。疊。蒼。翠。有。井。朱。夏。時。轆。轤。凍。階。記。耳。聞。  
讀。書。聲。殺。伐。災。髣。髴。故。國。延。歸。望。衰。顏。減。愁。思。南。  
紀。改。波。瀾。西。河。共。風。味。采。詩。倦。跋。涉。載。筆。尙。可。紀。  
高。歌。激。宇。宙。凡。百。慎。失。墜。

氣體肅穆便可作此邑修學記

何焯曰感慨頓挫自成有韻之文

御選唐宋詩醇卷十二

御選唐宋詩醇

卷十二

村由題衡山縣文宣王廟



新學堂呈陸宰

浙江書局  
總校董紹舒分校

朱昌壽  
張景雲  
恭校